

**Protocol da la sezzüda dal Cussagl cumünal da lündeschdi,  
14 settember 2009, a las 20.00, acta 31**

Preschaints: Jon Carl Rauch; Chasper Alexander Felix,  
Marianne Werro-Lehmann, Jachen Andri Schmidt e  
Georg Salomon  
Rico Zini (protocol)

**Tractandas:**

**262. Protocol**

Il Cussagl cumünal approva il protocol da la sezzüda dals 31 avuost 2009, acta 30.

Protocol

**263. Orientaziuns**

Orientaziuns

1. Maestranzas svizras da tir al arch

Las maestranzas svizras da tir al arch dal 2010 han lö als 9 e 10 october a Sur En. Organisatur es il Club Archers d'Engiadina. Il parcours gniss installà a Panas-ch Sura (vers la chava da glera) e da la vart dretta da l'En (Camping vers Tramlai, intuorn Sur En vers Uina). Il Cussagl cumünal piglia la dumonda a cogniziun e decida da dar il permiss per manar tras l'occurrèzza.

2. Pensiun Ma Perla / Bergperle

A partir d'october daja a Sent üna nouva pussibilità da dormir. La Pensiun Ma Perla driva las portas. Infuormaziuns in detagl vegnan publicadas aint il Mas-chalch.

3. Promoziun 1. abitaziuns e direcziun 2. abitaziuns

Sar Marco Bonavia exprima cha la ledscha saja satisfaziunta ed intimescha da restar sün quels parameters proponüts dal Cussagl cumünal e da la cumischiun da planisaziun.

4. Sunteri

La schefa da sanità orientescha chi saja gnüda cumadada la s-chala in sunteri. Il don chaschunà vi dals s-chaluns vain surtut da la sgüranza.

5. Tapet magic a Saranschasch

Il schef dal departamaint turistic infuormescha ch'el haja discuorrü cun sar Men Luppi a regard l'installaziun dal tapet magic a Saranschasch. Cun quai cha'l runal vain installà sün terrain privat, vain fat giò tanter il privat e'l cumün üna cunvegna.

**264. Marchà d'utuon 2009**

Sün dumonda da dna. Nadja Demonti, decida il Cussagl cumünal da dar il permiss al comitè per organisar als 3 october 2009 il marchà d'utuon aint in Plaz cullas cundiziuns sco i'ls ons passats.

Dumonda, marchà  
d'utuon

**265. Permiss da fabrica – VOLG – staziun per charrins - Plaz**

Sün dumonda dal VOLG, decida il Cussagl cumünal da dar il permiss per far la lavur seguaintamaing:

Permiss da fabrica,  
VOLG,  
staziun per charrins,  
Plaz

1. Tenor la dumonda acclus al permiss.
2. La cunvegna suottasritta es part integrala dal permiss da fabrica.
3. Il Cumün inchascha üna taxa da trattamaint da fr. 100.--.

**266. Permiss da fabrica – Johannes Bürgi – rimplazzar üsch vegl e bankin - Plaz**

Sün dumonda da sar Johannes, decida il Cussagl cumünal da dar il permiss per far la lavur seguaintamaing:

1. Tenor la dumonda acclus al permiss.
2. Il Cumün inhascha üna taxa da trattamaint da fr. 50.---

Permiss da fabrica,  
Johannes Bürgi,  
rimplazzar üsch e  
bankin, Plaz

**267. Permiss da fabrica – Otto Scandella– Suottet - Saranschasch**

Sün dumonda da sar Otto, decida il Cussagl cumünal da dar il permiss per far la lavur seguaintamaing:

1. Tenor la dumonda acclus al permiss.
2. Il contrat per fabricar plü dastrusch es part integrala dal permiss da fabrica.
3. Il Cumün inhascha üna taxa da trattamaint da fr. 100.--.

Permiss da fabrica,  
Otto Scandella,  
suottet, Saranschasch

**268. Permiss da fabrica – Olga Felix – renovaziun da la porta - Plaz**

Sün dumonda da dna. Olga, decida il Cussagl cumünal da dar il permiss per far la lavur seguaintamaing:

1. Tenor la dumonda acclus al permiss.
2. Il Cumün inhascha üna taxa da trattamaint da fr. 50.--.

Permiss da fabrica,  
Olga Felix, renovar  
porta, Plaz

**269. Constituziun cumünala**

Il Cussagl cumünal repassa ils artichels chi sun necessaris da müdar tenor la preexaminaziun dal jurist chantunal. Il Cussagl approva las müdadas e decida da preschantar quellas a la radunanza cumünala insembel cullas müdadas fattas illa sezzüda dals 13 lügl 2009 in connex culla introducziun dal vuschar in affars cumünals a l'urna.

Constituziun cumünala

**270. Diversas schefs**

1. Lingia d'Uina

I's ha pudü constattar chi saja ruot in divers lös la lingia tanter la stalla da Jon Pua e quella da Jon Linsel. I vain fat la proposta da müdar oura quist on chi vain ün bun toc tanter Spinatscha fin Pradè.

Diversas schefs

2. Tir da Parnarsura

I sun entradas duos chartas cun reclomaziuns a regard il tir da chatscha a Parnarsura. Tenor quellas els esa gnü trat our dal temp fixà. La Società da chatschaders prouva da tgnair aint ils temps, i dà però adüna darcheu da quels chi van a trar our da las uras fixadas.